

Date – 08/09/2025
Time - 07:30 -07:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. School Education Minister Dr. Vanlalhlana chuan Covid hripui len lai pawha tha thlah lova zia leh chhiar thiam tura hmalakna avangin Mizoram chuan zia leh chhiar tam ber nihna a hauh a ni a ti.
2. Joint Civil Society of Mizoram chuan Mizoram Assembly-a Forest Conservation Amendment Act, 2023 chungchanga resolution pawm a nih duh lohna uar taka lantir zui an tum tih an sawi.
3. Punjab-a tuilianin chhiatna a thlenna hmunte Prime Minister Narendra Modia chuan naktuk hian a tlawh dawn.
4. Japan Prime minister Shigeru Ishiba chuan kumina an ram inthlanpui pahnihah an chak loh avangin PM anihna atangin a ban thu a puang.

<><><>

LITERACY

School Education Minister Dr. Vanlalhlana chuan Covid hripui len lai pawha tha thlah lova zia leh chhiar thiam tura hmalakna avangin Mizoram chuan zia leh chhiar tam ber nihna a hauh a ni a ti.

Khawvel zia leh chhiar Ni, International Literacy Day nimin khan Akashvani kaltlanga thusawiin Minister chuan Mizoramin zia leh chhiara hma a sawn zel theih na'n sorkar mai bakah kohhran, tlawmgai pawl hrang hrangte leh mipuite thawhhona a pawimawh tih a sawi.

Zia leh chhiar thiam chu mihring dikna chanvo a nih thu sawiin International Literacy Day chu kum 1976 atangin kum tin Mizoramah pawh hman thin a nih thu a sawi a ni.

Minister chuan sorkarin zia leh chhiar thiam an lo pun zelna tura hma a laknaah a enkawltu sorkar department bakah kohhranho leh an hnuaia missionary te, tlawmgai pawl hrang hrang leh mipuiten an thawhhlawk zia a sawi a. Zirtirtu leh zirlaite inpekna thukzia an hriat reng thu leh ropui a tih thu a sawi a ni.

Byte of Minister.....

Minister chuan New India Literacy Programme (NILP), Understanding Lifelong Learning for all in Society (ULLAS) tia sawi tak, kum 2022 atanga kum 2027 chhunga mitinin zia leh chhiar an lo thiam nana sorkar laipui hmalakna chu kum 2022 atangin Mizoramah pawh kalpui tan a nih thu a sawi a. Mizoram dinhmun

pawhin hma sawn zelin Mizoram chu sorkar laipui pawhin India ram puma ziaak leh chhiar thiam kim hmasa bera a pawm tak thu leh mipui nawlpui hriat theih turin kumin May ni 20 khan Chief Minister in a puanzar thu a sawi a. Kumina thupui digital khawvela ziaak leh chhiar thiam tura hmalak tih, Promoting Literacy in the Digital Era tih hman mekah pawh Mizoram chuan digital khawvel mitthla tel reng chungga programme a duan thiam chhoh zel a pawimawh thu a sawi a ni.



CHAMPHAI ROAD BLOCK

Nizan zan rei tawha ruah sur nasa avangin Champhai atanga Aizawl panna kawngpui, National Highway No.06 chu Chhungte khaw zawn thlen hma, Champhai atanga KM 5 velah, kawngko chhak lam leimin tharin a hnawh ping mek.

Chalbawiha Junction Champhai Police check gate atanga thu dawn danin nizan dar 11:00 vel a ruah sur nasa avang khan Champhai atanga Aizawl panna kawngpui hi kawng chhak lam atanga lung lian tak tak tla thla leh leimin in nasa takin a hnawhping a, tun dinhmun ah lirthei eng chi mah an kaltlang thei lova, Champhai atanga Aizawl panna kawngpui hlui zawk pawh lirthei tan kaltlang theih a nih rih loh avangin Aizawl lam atangin Champhai chu tlawhpawh theih a ni rih lo.

Kawngpui hnawhtu leimin hi khawl hmanga thenfai a nih hun tur leh kawng a tlang theih hun tur hi sawi theih a la ni rih lo.



JCM STIR

Joint Civil Society of Mizoram (JCM) chuan Mizoram Assembly-a Forest Conservation Amendment Act, 2023 chungchanga resolution pawm a nih duh lohna uar taka lantir zui an tum tih an sawi.

JCM hruiatute sawi danin tunkar Ningani khian Aizawl Vanapa Hall kawtah Assembly-in FCAA 2023 chungchanga official resolution pawma he dan siamthatna hi Mizorama hman ve tura a nemnghet duh loh entirna'n punkhawm an huaihawt dawn a. He mi chungchangah hian Inrinni khan JCM buatsaihin Forest Conservation Amendment Act, 2023 (FCAA, 2023) Mizoram Legislative Assembly August ni 27, 2025 thukhawm in a nih ang anga Mizorama hman theih tura an lo pawm (adopt) chu tha an tih loh leh pawmpui theih ni lova an hriat avangin , hemi chungchanga inrawnkhawmna a buatsaih a. Hetah hian heng NGO, Political Party leh Pawl hrang hrangte kan sawm zingah a hnuaia pawl aiawhte hi an kal niin an thuchhuah chuan a sawi a. He inrawnkhawmna a telte hi Central YMA, MHIP Hqrs, MPCC, MNF, PC, Mizoram Transformation Movement (MTM), CESJ, Mizoram First, CATAJ, ZORO, Mizoram Environment NGO te an ni.

Mizoram assembly-in FCAA 2023 a lo pawm tak chu ram leh hnam, thlahte leh chhuan lokal zel turte tana thil him lo, tha lo leh pawl tak mai, chhiat hlenna hial thlen thei ni a an hriat thu an sawi a. Thutlukna an siamah chuan FCAA 2023 hi a nih ang ang a pawm hi tha an tih loh thu leh Mizoram Legislative Assembly Session August ni 27, 2025 thukhawm in a lo pawmchu sut leh ni sela, a tul angin Assembly Special Session pawh ko ngei rawh se, an ti a. He thil hi assembly vekin a sut leh theihna turin hmalakna tur hrang hrang duan a ni a. Mipui punkhawm, Kawng zawh leh a tul angin Bandh emaw huaihawt ni se an ti.

Hei bakah hian Online leh Off-line Signature Campaign buatsaih an rel a. A tul anga Mizo mipuite hrilhfiah a Mizoram khaw hrang hranga vantlang inkhawm

huaihawt an rel a. Kalkhawm pawl hrang hrangte chuan an thutluknate hi a hlawhtlin ngei theihna turin chak taka hmalak zel a nih theih na'n JCM hmalakna an thlawp tlat thu an puang bawk a ni.

<><><>

ASF UPDATE

Kumin March ni 10-a Mizorama African Swine Fever (ASF) vawk pulhri len leh tan atanga tun thlengin vawk 8,875 a thi tawh.

Animal Husbandry & Veterinary department hotute sawi danin nimin khan ASF vawk pulhri avang hian Lunglei district a Tawipui North-ah vawk 37 thi report a awm a, Khawzawl district a Khualen leh Chawngtlai khua-ah vawk 6 thi-in Champhai district khaw pathumah vawk 1 theuh an thi bawk a, a vai a vawk thi zat hi 46 a ni a. Niminah khan vawk suat a awm lo thung. Tun dinhmunah hian ASF vawk pulhri hi district 8-a khua leh veng 155-ah a leng mek a, vawk thi tawh zat hi 8,875 a ni a. Vawk vulhtu chhungkua 3,531 in an tuar a ni.

Siaha district chu vawk pulhri tuar nasa ber niin vawk 3,359 a thi tawh a, khaw 38 a chhungkaw 1,283 zetin an vawk engemawzat an chan tawh a ni. Vawk pulhri darh zel venna atan vawk 3,426 suat a ni tawh a, Lunglei district-ah vawk suat a tam ber a, khaw 39-a chhungkaw 709 te vawk vulh lai damlo 1,619 suat a ni tawh a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PUNJAB FLOOD

Punjab-a tuilianin chhiatna a thlenna hmunte Prime Minister Narendra Modia chuan naktuk hian a tlawh dawn. Punjab State BJP President Sunil Jakhar chuan he thu hi social media lamah tarlangin Prime Minister Moda hian tuilian avanga chhiatna hi a pawl a tiin a ngai thutak hle a ti a. Chhiatna thlen dan te a ngaihven reng tih sawiin sawrkar laipui chu Punjab mipuite chawmdawl turin a inpeih reng a ni a ti. Hetihai hian Union Agriculture Minister Shivraj Singh Chouhan chuan tuilenna hmun hi nimin khan a tlawh a. Inter Ministerial team pahnihin an tlawh mek bawk a ni.

<><><>

GST

Prime Minister Narendra Modia'n kumin Independence Day lawmnah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah titlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST thar hian ramchhungah lawm a hlawh hle a. A bik takin E-Commerce lama eizawngte tan kawng tam takin hlawkna a thlen dawn a. Online-a sumdawna a tihtlawm bakah intihsiakna a siam tha leh zual a. Bungraw tuamna leh a bawmte a man a tlawm dawn avangin Online sumdawng tan a tha dawn hle a. MSME leh Food Processing lama eizawngte pawhin an hlawkpui dawn a. Bungraw phur kualtu lirthei truck leh van leina mana chhiah tihtlem anih bawk avangin bungraw phurhna man pawh a tlawm beisei a ni. Vilayat Industries Association Vice President Harish Joshi chuan GST thar chuan MSEM sector lamah nasa takin inthlak danglamna a thlen dawn tih a sawi.

<><><>

JAPAN PM

Japan Prime minister Shigeru Ishiba chuan kumina an ram inthlanpui pahnihah an chak loh avangin PM anihna atangin a ban thu a puang. Kum khat tlinglo Prime Minister anih hnuah Pu Ishiba hian ban a tum thu a puang a. Liberal Democratic Party President anihna atangin a bang tur thu a puang bawk a ni.

<><><>